

敬山文集

卷一



古  
3648  
62-1032  
1

1



芳洲文集序

吾鄉先輩芳洲文公既沒余得見其遺稿於其孫爽柱爲  
之訂正編摩而歸之爽柱詩文雜體及附錄具焉嗟乎余  
枚公見師生之道也公少師遜庵李公晚更就正性齋許  
文憲公性齋之守金官也道過公宿馬口授一言曰工夫  
不在於難在於誠誠則不息公謹受而書諸紳余嘗謂世  
儒之不及古人有二失爲文詞泛濫馳驟者華而無實習  
箋訓支離繁碎者虛而非真二者之失雖若不同其爲心  
術本原之害則一也公則無是二者而允其言行事爲一  
出於誠而無所苟故雖隱而不見於世風力標望亦少聳

動人者而其中之闡然實有不可掩者蓋當其時京鄉人  
士為高足於性齋者多矣若其得單傳旨訣為一生受用  
如公有幾人哉嗟乎師生之道余於公見之矣公舊與吾  
家大人書稱道余過甚余顧未敢當而私竊感其誼不能  
忘于心茲因爽柱之請而僭為之序重為曠然一歎云歲  
癸亥仲春節晉山河謙鎮序

芳洲文集目錄

卷之一

詩

斗芳齋同諸士友叅校南冥先生文集

青谷寺次李剛齋

承熙

贈別韻

南冥集重刊  
校所于此寺

復和曹惺溪

鏐

李勿齋

相敦

趙霞峰

騎來

贈別郭倪宇

鍾錫

尹膠宇

胃夏

宋常岡

民用

過嘉禮巖見退溪先生遺墨有感

物我吟

短長吟

古今吟

陪遯庵李文

錄王

八大源洞口

慕寒齋次板上韻

陪性齋許先生

傳

登合江亭

丙寅五月日性齋許先生自德川枉臨窮藟轉向

金海奉呈二首

太虛樓奉呈端碕金文

麟慶

大觀臺別郭俛宇

燕子樓次鄭圃隱韻

謹次曾王考滄海公大明花詩二首

麗澤堂落成與僉賢共賦

次岳柄亭韻

同李勿齋鄭雲坡

衆語

登集賢山

次金氏慕光齋韻

聖隱庵奉和端硯金文

多率寺

送柳喜七

晚睡

之岳陽

枕流亭次板上韻

次二宜亭落成韻

次伴鷗亭落成韻

和李惠山祥奉幽居韻

登碧松亭

碧寒亭和朴應弼天培

次趙橫溝性宅涵月亭韻

登雷龍亭

次李叅判觀川公焚黃韻

送從叔起羽歸娥林寓居

水瀑臺次朴龍潭先生韻寒暄一壺兩先生棲息之所

贈崔喜淳

和李南川道默

移植大明花

和金恆窩聲鐸

省梅村先祖墓

宿山家

八花開洞

登鳳凰臺

雙溪寺伏次梅村先祖韻

平浮臺次河膺韻

過岳陽追憶壬辰古事

先祖醒狂公倡義  
易簣于此故云

八三神洞

過河東府

登八詠樓

七佛庵

細石平地

孤山亭次板上韻

讀張尚書

子忠

朝天日記次卷中韻

題夏寒亭

登拱玉臺

碧寒亭次板上韻

宿豐湖亭

過大冶村

贈文章之樸二首

別妻文能五鎮秀

松京懷古

拜省外先墓

過枕流亭

次愛日堂鄭先生復官志感韻

隅谷亭會話

臨溪亭次板上韻

浮查亭重修開基韻

斗芳齋會話二首

與趙進士

曷奎

登慕義齋

送孫

汝爽

姜在洪

歸斗芳刊所

過拱北亭

宿孤山亭

抵道東齋

登探薇亭

冶隱吉先生遺墟

上藥師菴

宿海印寺

和曹元若

興國

甲譙韻

題成監寮煥斗新庄

次李亨元禧榮釣臺韻

黃溪瀑布

室人回甲日

霽光亭原韻并小序

和成國彬深

返舊樓

山村即事

性齋許先生挽

挽遜庵李文

挽張四未丈 福樞

挽端礪金丈

挽李晚求 種杞

挽朴晚醒 致復

挽尹膠宇

挽朴映壽

挽金栢後 基洙

挽許南黎 愈

挽張公斗表

挽朴鶴山 尚台

挽白士行 樂儉

挽姜公柄斗

挽河台洲 聖淵

挽族祖蠹庵公 景純

挽曹復菴 垣淳

挽河府使 兼洛 二首

挽族大父聖仲 鎮英

挽姜竹隣 永祚 二首

挽河東寮 載文

挽許公仲珩 瑾

挽河雙崗 洪連

挽趙橫溝

挽鄭承旨 冕錫

挽崔可川 正基

挽成明善 潛

挽鄭基鳳

挽河海山 慶緒

挽南惟甲 淇誌

卷之二

書

上性齋許先生

上遜庵李丈

上端礪金丈 二

與朴逸庵 葵繼

與李晚求

與成文悔山 采奎

與許南黎

與姜梅下 相五

與申天若 鎮求

與許玉峰 致

與河載文

答李道默

與許泰見曠

答河洛圖

與李相敦

與河周道載翼

與鄭象禹

與河進汝權源

與河海朝谷滢

與柳景善震必

與族弟奇世環

與李直卿建模

與河殷巨熊濟

與李明甫鍾誠

答族人子武載孝

答金景陽壽老  
金景柔基老  
金景任仁老

與柳景見震台

答族叔顯五秉純

與李亨元

與族弟殷用謹鉉

答宗人章善 正郁

與朴文幸 奉亨

與姜孝範 祭熙

與三從姪 洪烈

答李士重 鈺永

答河奉朝 啓玉

答族弟玉汝 成鈺

答成仁述 煥寶

答族姪洪翼

與河載龜

與鄭憲柱

與族人士憲

昌錄

卷之三

序  
記  
跋  
說

近民堂鄉飲酒禮序

宗案序

道淵設壇記

平川同話錄跋

許孔淑

煥日記跋

拜送性齋許先生歸金海說

四端七情說

祭文 上樑文 告由文 銘

祭性齋許先生文

祭端履金文

祭族祖蠹庵公文

祭族叔學圃公 集祿文

霽光亭上樑文

松谷集告由文

燈銘

硯銘

墓碣銘 行錄 遺事 雜著

高祖考處士府君墓碣銘

樂齋文公墓碣銘

成均進士梅村公行錄

處士梅圃公實錄

先考處士府君行錄

宣武郎寒泉堂遺事

處士公遺事

及第公遺事

叔祖成均進士烏川公遺事

叔祖通德郎遺事

不服出母本父考

卷之四

附錄

行狀

墓碣銘

并序

挽

祭文

跋

芳洲文集目錄

芳洲文集卷之一

詩

斗芳齋同諸士友叅校南冥先生文集

放烈千年祠南冥數卷書今宵看不盡山月五更初

青谷寺次李剛齋

承熙

贈別韻

南冥集重刊  
移所于此寺

晚生百載講冥翁賴有吾君筆削公興復斯文關在數共  
將白髮問蒼空

復和曹惺溪

器

李勿齋

相敦

趙霞峰

鎬來

多君遠自山天來愧我空留喚鶴樓情話淋漓宵更短斯  
文興復有前頭

贈別郭俊宇

鍾錫

尹膠宇

胃夏

宋常岡

民用

南冥道德留千載東國文章會一時孤庵挑燭清談話小  
店巡盃遠別離牙峽白雲開故路錦山黃葉有前期吾輩  
更加心上力扶持各教作餘師

過嘉禮巖見退溪先生遺墨有感

嘉禮一巖石綵苔磨不磷先生題四字筆法至今新

物我吟

萬物備於我我亦物中物如何我有我無我是同物

短長吟

日短夜有長夜長日有短短不能使長長不能使短

古今吟

古人未見今人猶見古今人學古人志業無今古

陪遯庵李丈

銘主

八大源洞口

洞壑清雄閱萬秋烟消雨霽白雲遊十數年前如夢過  
將幽興上頭流

慕寒齋次板上韻

斯樓卜築百年前餘教猶存講業尊瓦甍高出歸雲逗石  
瀑遙通落水連碩人邁軀寧無地佳士烟霞別有天緬仰  
當時休息所真源一脉接寒泉

陪性齋許先生

傳

登合江亭

宮闈國泰即今時久矣茲遊又一奇江湖滿地雙洲合星  
月經天半夜隨先賢杖屨尋何處多士襟紳會不期回首  
龍華餘興在招招舟子故遲遲

丙寅五月日性齋許先生自德川在臨窮藪轉向金  
海奉呈二首

僮馬行裝挽不得扁舟一葉渡頭津大明花下殷勤訓八  
我肯祔在在春

炎天雨霽日光和拜送金州惜別多遙知禦牧堂前士唱  
罷鹿鳴又伐柯

太虛樓奉呈端碨金文

麟慶

三月東風滿座春河南夫子用工真老來眷眷能延客雅  
語諄諄易八人雙筇行色穿雲杳萬卷工夫喜日新如今  
恐負申申意起傍丹溪洗六塵

附端碣詩

二子同來趁暮春翛然事外樂清真不寒不熱偏宜客  
於水於山揔可人憐我病情爲日久喜君詩思與時新  
第庸刪節過情語一味加工脫去塵

大觀臺別郭俊宇

九月大觀臺一夜亂巡盃相分十水橋前路白雲開

燕子樓次鄭圃隱韻

金州樓閣幾經春猶帶先天駕洛塵  
燕于低飛官日午想  
看圃老詠歸人

謹次曾王考滄海及大明花詩二首

大明天下大明花花是王春一脈  
花花逐何人東渡海宜  
為忠義古家花

風泉多士感前塵却向花壇賀主人  
兩詩深得尊周義中  
葉繁華萬曆春

麗澤堂落成與僉賢共賦

吾輩幸同一世生青衿紫帶蒲堂明  
筇屐相逢千里面琴  
書更結百年情就正古規餘在案  
落成高會細傾觴李岡

結室同專美，江右儒風大有聲。

次岳樓亭韻

集賢山下數椽亭，巖隙幽深草樹冥。仙降此間雙鶴白，客來何處一驪青。春秋讀罷峰雲返，杖屨投休峽露醒。半畝方塘春水積，依如孺子濯清纓。

同李勿齋相敦

鄭雲坡

象注

登集賢山

黃花時節我行西，立立峰巒若不齊。忽舉詩鞭遙指點，雲林何處是岳樓。

次金氏慕光齋韻

江陽草樹爛生光，更有肖孫肯構堂。碑頭書字留先蹟，

右冠巾會衆芳十里平沙多壯觀百年古社不尋常最是  
吾君追慕地茅亭高處照文昌

聖隱庵奉和端礪金丈

清夜相談好三星屋角高仙分驚聞磬世情愧夢刀燈下  
皆詞伯樽前是酒豪心神從此快開戶聽松濤

多率寺

峰巒專走邑樓閣半依林尋真令又到竟日少歸心

送柳喜七

暇睦

之岳陽

藜筇訪我月牙下一夜談文不世情臨別無端悲白髮未  
能同作岳陽行

枕流亭次板上韻

危樓半挹巨川流，聽月江天霽景幽。  
賢侯鈴閣千甍瓦，佳妓珠簾十里鉤。  
閭閻交錯孤城外，山岳周遭大野頭。  
指点東南歸路遠，娥林暮狀上眉愁。

次二宜亭落成韻

空山宜水一亭成，文正風流屬後生。  
宮墻築板依周制，歌頌登樑動楚聲。  
山海亭前秋日烈，天淵臺下夕烟清。  
良日訖工因釋菜，無巡禮酒洽人情。

次伴鷗亭落成韻

海查貫月大樑東，釋菜令辰講古風。  
德川江上秋波碧，萬

竹山前曉旭紅賓榻禮儀何大盛儒林氣數不全空爲感  
雲仍營肯構二年勤苦告成功

和李惠山

祥奎

幽居韻

山高野潤大江流界破丹州是別區  
秦民深入桃花源靜晉  
士晚歸栗里幽樂以漁樵消白日  
老於耕鑿過清秋花樹  
相隣如故社一生肥遯不他求

登碧松亭

伽椰山下碧松寒年代渺茫認得難  
寒蠹詠歸遺躅在凝  
雲流水共漫漫

碧寒亭和朴應弼

天培

水碧天寒兩霽初一宵唱和百年如蕭蕭白髮偷閒展耿  
耿青燈讀古廬盡裏乾坤何處大手中風月此時虛寒郊  
瘦島難孤地目擊無言意有餘

次趙橫溝

性宅

涵月亭韻

高軒壓水月先登上下天先入夜澄一片全沉鮫女鏡三  
分餘在道人燈依峽幽庄通曲曲連村略約出層層自是  
工夫涵養處萬川大極語吾能

登雷龍亭

江山孕淑氣鍾我老先生今上雷龍舍遺墟八望平

次李叅判觀川公焚黃韻

嶠南土氣擅吾東配食三忠一是公梁海猶傳忠武烈石  
城不朽笑翁功白衣殉節瞻天日青史垂名振國風上徹  
天門恩旨降榮銜生色萬人中

送從叔

起羽

歸娥林寓居

客中懷緒一層加欲別遲遲日欲斜萬樹寒聲蟬外雨一  
天孤影鷺邊霞半年野館留秋士百里山程返故家又有  
前期知不遠空春八月爛槐花

水瀑臺次朴龍潭先生韻

寒暄一處兩先生棲息之所

天寒山暮雪封莎淩淩溪流也自沒石面苔花留古蹟起

余歸客放高歌

贈崔喜淳

拱北亭南買屋居三師四友自成渠  
一身着處耕斯可餘力有時讀  
莫如遐思特存鴻舉後清聲高出鶴  
來初海門歸軫令人快回首松陰白  
雨踈

和李南川

道默

宇宙寒聲萬樹風讀燈初罷漏丁東  
多情筇屐接山外自愧衣冠老澤中  
幾日遊觀詩囊滿初筵談笑酒盃空  
雷陳面分何相晚猶有桑綠一夜同

移植大明花

三月初吉日移植大明花梅村別廟畔  
滄海舊居涯培養

七世久來自萬里，遐猶恐根不實。又是一蕢加。

和金恒窩

聲鐸

故人節屐伴春來，明月今宵近水臺。數數翔鱗何處得，紛紛鬢髮此生催。雲雨彌空三宿可，琴書多古一評皆。日擊無言還有意，杜鵑啼罷月峰崑。

省梅村先祖墓

梅村先祖墓，霜露幾春秋。孱孫瞻掃日，風水共悠悠。

宿山家

山家秋夜長，宿客此中老。聊知居此入，樂在遯肥故。

八花開洞

嶺湖半坼兩山邊  
認是人間別有天  
藜植斜陽塵累絕  
花開五月晚香傳  
青鶴臺前初罷霧  
白雲峰下煖生烟  
強醉春醪隨處去  
尋真一路若絲連

登鳳凰臺

南州有我續清遊  
人去臺空翰墨流  
樸地間闌多得野  
參天樹木半依邱  
羣峰羅立雲間壑  
弱水平鋪雪後洲  
詩興層生皆界濶  
把來風物滌塵愁

雙溪寺伏次梅村先祖韻

洞天八詠樓幽僻  
而奇絕到此感懷多  
想看溪上月

玉浮臺次河膺韻

羣山北束水東折方丈瀛洲一脈精借問何人橫鐵笛玉  
浮臺月至今明

過岳陽追憶壬辰古事

先祖醒狂公倡義  
易簣于此故云

泣淚看山山萬疊傷心臨水水千頃忠義貫天魂不死孱  
孫今日一邱輕

八三神洞

峽迳如絲轉入深轟轟危巖鬱鬱林曲曲清溪流不盡令  
人洗耳淨塵心

過河東府

天風送客下長洲太守樓臺桂影浮鰲山角立歸雲觸鯨

海宵虛落照流當爐覓酒仍豪飲隨處題詩亦壯遊百里  
前程頻指點忽忽卸屐轉難休

登八詠樓

五月登臨八詠樓披衿爲問昔人遊雲仙安在雙溪古梅  
祖曾吟萬壑幽石氣撐臺青鶴返鐘聲出洞白雲留山靈  
不拒尋真客且待西風落木秋

七佛庵

新羅古剎出層欄半日登臨五月寒羣仙無事看雲白老  
釋多情煮水丹烟霞上徹山心靜林壑中開洞口寬休道  
前宵鄉夢惡南枝倦身不知還

細石平地

天皇一脉落來平中有田園數屋成嶺湖半坼東南潤日  
月低懸宇宙明林下與君評土品雲端無處問山名寄語  
居人看局勢三神七佛揔無情

孤山亭次板上韻

南州名勝有孤山樓閣浮空日月閒十里長江分急勢千  
層峭壁露頑顏尤感謙翁遺躅在追惟學圃捲身還到此  
一宵猶恨少他年那得更高攀

讀張尚書

子忠

朝天日記次卷中韻

皇華清頌徹雲穹萬里陪行不有躬濟濟衣冠三代後章

章玉帛九區中八侍明庭天日暖回瞻故國海烟烘想得  
君臣相悅樂登歌徵角舞羣工

題夏寒亭

八月夏寒亭長松落落青山晴歸霧宿野迥爛雲停賓主  
東南會圖書左右銘登臨漫興作一詠下西汀

登拱玉臺

大野東頭拱玉臺層層支石絕浮埃二十四賢遺躅在謾  
將遐思獨登來

碧寒亭次板上韻

秋水如天碧遠客一葉舟先生何處去喬木已多年

宿豐湖亭

豐湖山水淨無塵野畔千家半族人  
今夜虛亭花樹樂深  
盃散作十分春

過大冶村

行行到大冶山北水東之土暈中排局石臺外護墓曾載  
江陽誌亦登畢老詩是知名勝地吾祖落南時

贈文章之樸二首

吾家兩世誥胡爲貴藏中花樹同根地難忘保護功  
青驪兩渡洛如對卷中入馬道前程事工夫進在真

別姜丈能五鎮秀

翩翩華馬向何之  
崖綠溪紅正好時  
山鳥鮮人分手恨  
北林啼罷又南枝

松京懷古

天陰日暮雨淒淒  
羅列青山帶恨低  
興廢靡常停馬問  
繁華如夢聽禽啼  
荒城寂寞歸雲沒  
大野蒼茫落葉迷  
懷古騷人歌麥秀  
眼前光景正堪悽

拜省外先墓

拱北亭南霽色浮  
青天白日共悠悠  
壇上孤松多歲月  
籬邊叢竹幾春秋  
立立玉山依舊在  
洋洋聖澤至今流  
斜陽省拜悲歌發  
拱木成陰轉上頭

過枕流亭

枕流亭下我行遲  
君子遺風竹數枝  
看看梅祖登臨處  
正是江天日暮時

次愛日堂鄭先生復官志感韻

河嶽孕生屬落姿  
君臣大義賴而支  
丹心特立天人感  
白首奄遭木石悲  
聖代恩銜還一品  
多時公訟自三司  
揄揚史氏春秋筆  
往古來今不易辭

隅谷亭會話

隅翁庭畔紫花時  
滿座衣冠摠舊知  
長天漠漠孤雲晚  
大野空空一雨遲  
客地殘裝回馬首  
主人喜色上危眉  
文酒

風流真盛事留連不覺日西移

臨溪亭次板上韻

梅花落地自成村二百年來種德門  
相看溪翁清意味整  
袿危坐到黃昏

浮查亭重修開基韻

靈龜食墨大江邊占得營邱竹樹烟  
肯構深誠應有感煌  
煌營室照中天

斗芳齋會話二首

烟霞病癖老看山笋屐輕輕到此間  
棗梨板上經公眼竹  
樹陰邊惜舊顏討論文字殘年樂掃却塵愁  
半日閒冷落

洞天風雨惡雲中孤身自知還

山雨初晴曙色寒剪燈打話客懷寬杜宇一聲春寂寂却  
將歸息出門看

與趙進士

易全

登慕義齋

匡廬山壑極幽深巖屋參差出樹林百世清風義老古  
行實記性翁吟烟霞蒲地生佳氣猿鶴親人送好音猶恐  
靈區看未盡不辭努力更登臨

送孫

汝爽

姜在洪

歸斗岩刊所

五月琴湖上白首惜別離半旬同苦地十里獨留時行囊  
君無贖擔簦我有詩難孤山海役把袖問前期

過拱北亭

東風拱北亭立馬不能行  
瞻天雲蔽日咄咄獨傷情

宿孤山亭

今上江樓若挾飛鶴攸餘恟  
雨霏霏百年遺躅孤山在不  
向人間問是非

抵道東齋

天風蕭颯拍杉袂野經無人獨徘徊  
映翠亭前來到晚鶴  
山仙老勸深盃

登採薇亭

冷隱吉先生遺墟

金烏山色插青天百世清風野老亭  
到此誰無欽仰意想

看當日儼冠纓

上藥師菴

尋眞一路擻城東  
百里明沙萬里風  
眼前分界江山異  
頭上有天日月同  
烟霞不俗仇池穴  
猿鶴何知造化功  
爲問藥師千萬像  
老僧無語立雲中

宿海印寺

洞僻山碓法界奇  
諸天花雨夜來遲  
林下藜筇來俗客  
雲邊松栢坐禪師  
西域古經大藏地  
新羅巨剎重建時  
伽耶都是烟霞窟  
却向紅流有後期

和曹元若

興國

甲謙韻

南極古躔絳甲迴安安享福煖春盃相加友愛仍難老追  
感劬勞是小孩自惜餘年甘守分若逢清世晚成材洛中  
眞率罔專美我以故人白首來

題成監察

煥斗新庄

吾子曾家喬木村還從物外起田園小耒耕春雲出岵孤  
琴彈夜月當軒輞川處士幽篁館栗里先生碧柳門高人  
與地深相得措大登臨亦有言

次李享元

棉榮

釣臺韻

新臺壓水水斯清自此琴湖倍有名烟霞如畫三分活邱  
壑連區一樣平坐數游魚忘百務回瞻宿鷺問閒情風雨

乾坤猶取適專心垂釣是吾盟

黃溪瀑布

廬山石氣晚生烟水瀑翻成萬丈川  
誰使巨靈簸玉屑須臾散落白雲天

室人回甲日

三男一女好成倫偕老人間七十春  
蘋蘩古澗能追遠菽水寒厨苦食貧  
兼逢佳節丹櫻熟且擬遐齡白髮新  
憐爾兒孫爭獻壽盈盈盃酌亂無巡

霽光亭原韻

并小序

佳坊之里大江回抱月牙特立鴻碩葦出聞于國內冥

翁所謂冠蓋里者以此也丙午春門子姪輩與士友若  
甫入修成小榭構數間亭余名之曰霽光因與幼少輩  
尋數於其中而講會焉鄉飲焉賓主焉此可以消遣餘  
年豈敢望桑榆之收乎

汾東冠蓋里營構逸民居邱壑連平遠烟霞似遠初養真  
肥遯術破寂啓蒙書不是欺心處仰觀有太虛

和成國彬

溧

綠陰多處一花明堪笑吾人白髮生豪氣當樽多酒債高  
才擊鉢有詩名烟村寂寂青毡吠風帆輕輕白身驚滿腹  
雄懷相說罷山南筇屐又雙行

返舊樓

山塾居人太半非菊花不發待吾歸披衿獨坐心無事第  
見秋天一鴈飛

山村卽事

麥氣翻生四月天豐歌處處好相傳幽禽啼晚磬陰鬱乳  
燕報新霽色鮮撲地間闐烟樹下蒲山光景落花邊忍看  
民室艱難極爲願三農占有年

性齋許先生挽

天於東國降真儒斥絕邪蘇定俗流玉署拚龍朝北斗金  
官絆馬化南州廣川對策三千字洛社耆英八十秋河岳

收精樑棟折後蒙深惜不知由

挽遜菴李文

崛起大嶺南天賦本恢廓知足樂瓢飲踏實做旗脚景仰  
退陶山親多晚愚閣無愧受衣鉢不辭勞邱屨透徹心性  
情默會誠致格經義能錯綜儀禮亦斟酌深究自得妙博  
學反詔約學味粹面背心工著動作真源曾溯洄俗務都  
掃却有時風月興着處山水樂小子非阿好衆人所共諾  
天何嗇其壽人皆哭之惡自此收精采防岳青如削

挽張四未文

福樞

篤生大嶺南秋月照寒潭木稼斯文變無聊痛恨含

挽端礪金文

斗南元氣頓人爲際出斯文欲喪時樂在空瓢忘陋巷早  
登高第動京師抑抑威儀終不忒堂堂言儀本無私夢罷  
奠楹仍尔苦集賢山下日遲遲

挽李晚求

種杞

金溪冷落玉山空一脉斯文賴有公立脚天人相與際存  
心物我本無中深讀青燈忘却老寒居白屋不憂窮文藪  
淒涼垂木稼乘箕夜入少微宮

挽朴晚醒

致復

南國大儒出文衡自重輕負高山斗望名著月朝評麗澤

眞傳朗皇壇報祀明黃岡收淑氣後進失前程

挽尹膠宇

娥林君子出半世主儒盟忘我簞瓢飲爲入府庫傾硯南  
鬢氣淡樽右禮儀明未畢斯文役先陰一夢驚

挽朴映壽

江之西朴之士古家聲名世族原忠信修行百餘事業讀  
經六教子弟淨室堂對師友蕭巾服我獨憐金躍鑪孰能  
知玉蘊櫝雖少老鄉黨齒儘相孚芝蘭馥十年燈論心細  
千里道携手熟惜別離斷寸腸問平安傳尺牘一年逢松  
楸行五更短蓬華屋即其利已斷金此何言忽就木復爲

誰抱琴書若無人藏  
劔欲訴天隔幽明更無地接面目  
靈林撤追哀誄日欲暮長痛哭

挽金栢後

基恠

伽椰老栢歲寒後得拜軒屏敬服多壯觀江山詩得助窮  
探經史學成科抱玉荆門三別足塑泥程座一團和天半  
奎精沉不見空將涕淚溯餘波

挽許南藜

愈

端碣哭罷后山空天喪斯文奈啓蒙繼承滄老家門關追  
逐寒翁志氣通窮廬不改簞瓢樂實地能成菽粟功五月  
嘉南南國會黃梅秀色沒雲中

挽張公斗表

哭公公寂寞牙月欲黃昏丈夫恢幹局烈祖好淵源白首  
扶門戶赤心教子孫落木秋風夕哀詞餞九原

挽朴鶴山尚台

讀書六十年斯友國中賢深工班馬史高望斗缺天丹江  
秋月裏青谷夏雲邊獨抱山陽痛荒詞送九泉

挽白士行樂儉

今世真君子養精八十春半畝丹田好數椽白屋貧蘭臭  
香山社衆緣泗水濱臨別何辭慰明珠箇箇新

挽姜公柄斗

詩

江西有長老風味自成科棟樑殷烈宅花樹士林阿接入  
和氣藹教子義方多執紼嗚乎哭秋天落照俄

挽河台洲

聖源

松覺古家稟養真七十春文章成氣骨禮儀定心神經年  
山海集消日斗芳茵吾林多厄會又是莽蒼辰

挽族祖蠹菴公

景純

吾家氣數至今亨輩出羣公苑有聲得助江山多壯觀見  
推師友藹朝評醒梅古蹟教誰拾玉璽遺篇自己成志業  
不無歸宿處一死生際三平

挽曹復菴

垣導

夫子古家君子出自多實行  
藹朝評願友賢能投地遠難  
醫疾病聽天明學記篇中排衆論  
老慈堂下謁深誠鄧林  
厄會吾無奈悵望頭流夕霧橫

挽河府使

兼洛二首

台老古家八十翁漢南風韻不全空  
曾襟宏豁中藏海氣  
宇崢嶸上出穹肖子獨拙長筆管弱奚重負寶書筒  
蠻夷並起無人禦題罷荒詞泣表裏

武略能兼文學爲國之良將士之師附鳳先登天北極  
鮮龜勇退海南維子姪趨庭咸珮綬弟兄聯座共吹簫  
吾州從此耆英少哭向佳城月落時

挽族大父聖仲

鎮英

風於四美不無人孝友終身性出真禦牧堂前趨拜夕晚  
愚亭上詠歸晨襟期洞徹水壺月瓢飲優遊陋巷春已任  
斯文能種績嶠雨多士讓頭頻

挽姜竹隣

永祿

二首

惜矣竹隣子真是古家人育於諒不俗心界淨無塵持操  
松柏寒賦性薑桂羊文章自成科語言亦有倫天何年不  
假石火五十春

痛矣竹隣子曾有雅契存蘆洲十里屐梅社一年樽論易  
消白日讀禮到黃昏愛吟騷石鼎罷酌宿江村秋風痛哭

立何處是九原

挽河東寮

載文

南國真儒數我公  
六旬有六老書中氣像嚴  
凝扶世教文章溫雅  
述家風落木古菴藏  
萬卷命堂餘業啓羣  
蒙百年壯蹟傳何處  
螟蛉承宗泣血衷

挽許公仲珩

瑾

先天氣數隘吾公  
八十平生德器崇  
江山古宅承宗脉  
鄒魯窮鄉倡士風  
四世俱存何福力  
一門咸化亦人功  
南國耆英從此少  
吾人慟哭問山空

挽河雙崗

洪迪

詩

芳州集卷之一

二十一

各家大老老於書滿座春和穩起居陰陽理致知無外菽  
粟文章用有餘清高氣像翔飛鳳明白論談信及魚向哭  
東寮今又哭吾林自此寂如虛

挽趙橫溝

颯出東方君子國翩翩濁世德儀真從師取友青邱罕種  
學績文白髮新特地高風迎接際古江涵月起居晨平生  
事業多良覲登在月評屬後人

挽鄭承旨

克錫

丹山瑞鳳出明時羽翼 王廷大有爲半世功名天北極古  
家氣數海南維麻衰自是三年制蘭報又何一夕悲從此

儒林多寂寞聊將乍苦訴冥司

挽崔可川

正基

吾公崛起海南州自任斯文六十秋博考禮儀還說約深  
窮經理不知休性氣露真文字上心功含默語言頭甘老  
平生能事畢月評風韻共悠悠

挽成明善

潤

氣味從容儒子像宵旰恢廓丈夫情謾唱薤歌遠助引青  
山何處插丹旌

挽鄭基鳳

防山南木川北老白首保赤心無忝祖祖蔭壯不充人人

詩

芳州集卷之一

二十一

響深掃土床開黃卷坐篁館彈素琴有孝子能幹盡平安  
臥古山林

挽河海山 慶然

南國文章士古家豈弟人白髮籌花甲青雲際不辰幸蒙  
歎棗嗜鼓擬管鮑親鄧林多寂寞我獨老江濱

挽南惟中 淇諾

白首哭公慟星霜已過年平生行素履抵死保青氈難兄  
難弟做有子有孫傳如今追短誄寂寞斗南天

芳洲集卷之一

芳洲文集卷之二

書

上性齋許先生

客臘末鄙族自軒下還伏詳哲命宗堯等篇已徹天門恩  
批曠絕不但爲斯文之慶亦宗祀之幸也國鉉挽近瀕在  
窶空志業未專一恐負盛眷奈何奈何邦慶湊集設科春  
臺政是舉子之秋也隔遠千里赴舉餘事拜謁之心居先  
而自顧情地不可爲客多日營親壠緬禮尙未占山晝宵  
憂念令胤直長近或有奉檄之望耶

上遜庵李文

書

芳洲文集卷之二

今於李友來伏聞行旆之返準擬進謁而因仍莫遂罪悚  
何言承重孫遭祖父母喪其妻當從服云若其姑在則何  
家禮只云從夫服而無姑在否之說假令承重曾祖喪而  
其祖母及母皆在則其祖母自當為舅姑服三年其母雖  
傳重於子而其夫生時既已承重則其夫雖沒恐當服之  
但其夫未及承重而死者未知如何若從其夫之服則豈  
非三代俱服歟

上端碻金文

頃於掾次半日從容陪話歧路怱怱還復參商伏不勝悵  
缺國鉉際茲末恟不飢餓無疾病更求何福誓不出山門

只與家蒙尋行數墨莫關世事似是無妨還恐見絕於人  
近得尊慈抵孔淑甫理氣說其義甚正足以解世儒膠固  
之感大抵理無無氣之理氣無無理之氣理氣相須不容  
闕一此國鉉之所聞於遯庵者如是而遯庵受於定齋定  
齋豈欺我哉吾東士習各立己見以不相下爲準一邊以  
專主理爲言一邊兼理氣爲言遂成朋黨之禍吾夫子曰  
君子不黨伏願尊慈使門下從遊者無主偏見預防其漸  
如何如何

上端礪金丈問目

父死祖喪中主祖喪者孫也士儀以祖死父生之義服其

服常變通致以不忍死其親之義續服如何為得服其服  
則期年也續服則三年也若以服其服為是而期年而撥  
殯不忍死其親之義安在續服為是而三年而撥殯祖死  
時父生之義亦安在愚意以祖死時父生之義不敢曰承  
重而八殯哭父之哭服父之服則是不忍死其親之義無  
乃兩得乎

與朴逸庵

榮纘

客秋一宵承咳所得不少私心欽歎不啻若得御李君國  
鉉客放南邊又是一年殆若樂正之哺餒耳抗顏對人極  
為著愧而勢無奈何早知世路難險之若茲勤耕荒野足

免飢寒此之不為謾事尋數虛度半生悔之何及下示兩  
韻何敢辭辭之恐非敬長之道伏願叩椎之命寫篇尾以  
齒諸君子焉

與李晚求

丹山穩據迄今幾年近因山海集刊所敦請庶幾一面竟  
孤懸望深庸茹悵謹問秋涼經體萬穆國鉉僻居一隅終  
老無聞其於小人之歸決矣猶有天性之存竊欲從賢君  
子遊以資麗澤而亦不可得臨風浩歎老兄顏髮應非昔  
年願自愛自重使吾嶺下世失衛道之望國鉉以譜事來  
客茲土幾至一年訖役似在秋冬譜不可無弁文茲以替

送數員納拜軒下倘不鄙寒族掄揚巨筆耶

與成文悔山

采奎

一嶺間矣可朝往暮還而彌月闕侯悵歎何喻多士同硯  
倉愚即今軍事為他日教育英才之功亦如何哉國鉉袞  
食孤庵日與村秀尋數而已何益之有竊欲與老宿討論  
古籍鞭辟近裏因作前程進就而不能得臨風伏歎於斯  
為深耳

與許南黎

仙庄一面宜無餘蘊而每想大兄深衣角巾縱容沉潛期  
之以朝聞夕可甚盛甚盛國鉉僻處海陬老於尋摘身且

不健以不出山爲準而若干讀得與精俱去直一虛殼人  
也何足道哉

與姜梅下 相五

春間一晉雪夜挑燈細論文籍晴日聯筇海上盛春異常  
感荷之至胤友年當弱冠將有進就之漸入樂有賢父兄  
良以此也國鉉賤殼無恙而日與村秀尋行數墨新得姑  
舍舊聞旋失竿頭之步進退無據雖是蔑裂追逐師友隳  
枯心機專一尋向則必不爲外物所棄而此亦不可得奈  
何奈何

與申天若 鎮求

咫尺千里政是兄我間謂也是豈當初結隣之意哉恪詢  
客候護重國鉉冰日山窓無聊塊坐酬應尋數如智泉派  
綆無波可及奈何聞悔山丈開硯於青谷僧舍招致多士  
課以舉業亦一吾林盛事深爲栢悅而吾輩關在一索自  
歸於數外之人其放無聞之歸決矣方與蘭臯兄營一行  
兄或有意聯袂耶

與許玉峰

致

旅次逢別已作客年事踈林蟬聲使人作懷舉業幾許做  
得榜中之公不公在枚有司未可逆觀今之赴舉者不度  
已之不才而患有司之不明豈其情哉歷筭得中者少不

文人尊兄四十年積鬱必有一得預切欣祝不宣

與河載文

歲初一行車訪高軒適值相違只與令胤一夜談討令胤風儀蘊藉且文字工夫大有進就甚可艷也國鉉經過比前少愈兩外務交攻鬢雪欲紛忽覺虛負一生江西歸路歷問知舊十數人外悉落鬼簿中還自咄歎

答李道默

千金一札鄭雅袖中帶來乃吾南川筆也辭意鄭重不啻寒暄勸責何若是之勤也矧審經體一如清裕佔畢益勵不知老之將至者乎國鉉歲初遭室入喪悲悼奈何家事

非所關願與同志出遊溪山之勝而不可得自笑迂儒之  
無勇耳

與許泰見

續

一見似平生娓娓詩話尚今喚醒且聞岷山亂石清溪先  
生之所留馥也宜周觀無遺而行色甚忙薄言旋歸益覺  
清分之為薄近因奎見甫槩聞吾兄安信深慰深慰國鉉  
破戒出門又是一年平日讀書不以安貧為難控到今日  
始覺非顏子不能也前所仰託詩若序或已下筆耶

答河洛圖

音書陸續寒暄不須言周範甫自軒下來報道老兄愛說

名理媿媿不休以國鉉淺見何敢贊一辭大抵理氣二字  
朱李論之仔細以詔後學爾來一邊之論別立意見轉作  
楚咻誓不相下甚是怪舉愚意理之所在氣無不在氣之  
所在理無不在以奪飛戾天魚躍于淵推之飛者躍者氣  
也所以飛所以躍者理也此校高見何如幸一言示之

與李相敦

一自分快後便絕無間張缺想應一殿謹問棣床燕居對  
時平勝佔畢之樂一直不弛國鉉三月初轉客他山數旬  
嘗世人心物情不謀而同少有學識者屏跡巖穴不樂見  
人人何必區區尋訪浩然歸來聊與村秀尋數山塾消

遣長日雲樹之思除抑不得俯臨何敢望何敢望

與河周道

載翼

昨春一宵聯枕鼓界罕事謹審靜中願養對時天和令胤  
一直作竿頭步耶從古有才者爲難才而不輕薄者無多  
如令胤讀古人書變化氣質自然粹盎家庭之訓亦不可  
誣也國鉉偶以採薪之憂委臥經歲是亦身厄所關天下  
無不死之人年已八耄當復何求坐俟符到耳班竹節此  
土亦難得之物爲之廣求得好品者率封付去是故人表  
情者也領受如何

與鄭象禹

萍水分張今幾年矣白首逢握自岷益踈臨風飲恨采坊  
于中近聞經候清裕賢子婦產得丈夫兒厥聲載路老兄  
為况必加一層想岸弊冠撫秃鬢于于于七女津上也為  
賀萬萬國鉉際茲不辰蟄伏虛亭擬終餘年謾使兒孫輩  
尋數消日雖曰非其時惟賢乎已一笑

與河進汝

濯源

一江南北不甚相遠書面久阻悵恨殊深為問春寒棣體  
事增勝吹填吹篋白首相依人間清福古豈多乎國鉉久  
病之餘昏耗益甚對人莫辨誰某知我者謂我老矣不知  
我者謂我何其悶斯悶斯前者遊觀之約記在心上歟一

番暢舒不無助放老去精神幸批回如何

與河海朝

啓滢

寒暄姑舍撤還故庄獨何勇斷竊想方丈神靈使白雲護  
送也故居猶有先人弊廬足可居之除家人外掃餘無有  
類誰支吾古之君子素貧賤行乎貧賤無入而不自得爲  
吾兄深祝國鉉亦備習此境漂泊東西閱歷風霜藜藿亦  
甘綵布亦煖還可一笑準擬晉握而世務層鱗因仍未果  
自訟非人情休較無似有青谷之行委訪如何

與柳景善

震必

隔歲阻面勢也間得抵令從書知千里外客候平安而所

欠者仕事之晚也自古以還求宦京洛者不一其人自謂今日明日而有終平生者以吾賢高見既知有數存焉何心奔走營求遺棄本分事乎到今省親勝於外物之榮未知賢意以爲如何

與族身奇世

環鍾

二宜亭道曾君以片言辨義理定是非云甚盛甚盛山天齋公議席恨無文某云君之見信於人而人之倚重乎君槩可知矣相悅當如何哉恪詢體事清泰允姪餘力篤做稍有進就之漸耶孟子曰入樂有賢父兄爲君誦之族兄白者鰥居不甚異事而但在家如客古人首窮云者良有

以也雲坪叔氏性氣堅貞擬得遐筭遠至不淑慟矣日事  
吟病尚稽一番之哭是豈平日之詎耶

與李直卿

建模

兩地落漠聲信淅寂悵悵者懷殆難自抑方春和時未諧  
慎候旋臻勿藥竊願加以食飲以慰相愛之望國鉉長作  
苦海中人且長孫近以別症浹旬沉劇幾鬼幸入驚恟之  
餘心緒如麻定頓無期良覺苦事

與河啟巨

龍濟

間得景見戚槩聞賢史超遷為國家得人賀也千里旅館  
想多陟坻之懷所望衣繡還鄉耳恪詢新元令體康健國

鉉稅近來病罄窮廬了無滋况又值歉荒家計冷薄何暇  
留念於卷中乎可呵性齋先生二霜已過未得躬晉書問  
亦阻京鄉人士置我於何地恐惶萬萬

與李明甫

鍾誠

客臘分袂遽然若昔年事其間不無便梯而寂寥無一紙  
倘不置無情之地耶今春經過想多窘乏忍飢讀書曾於  
先文見之哀史方在大故中供奠不可闕待賓亦不可不  
爲然而一年十二月豈無暇隙幸於昔日所讀四子中占  
一部書要作課程熟讀猛省則必有所得哀史曾不讀魏  
應仲書乎不可含糊護短恥於貧問而終身受此黷聞以

自欺也近有仁源氏何患無師少有疑處勿憚煩問國鉉  
月前作江西行因抵大源庵庵即先丈與我同遊地也悲  
感之極不知山水之爲好累月而返親候姑安耳

答族八子武

載孝

閻夫人喪事誠是料外割胖之痛尙忍言哉承審收斂神  
精日於璞玉故齋與村秀尋行數墨去古人不遠爲之奉  
賀族從老矣斯文上萬管瓦鮮無餘望始覺虛度一生况  
當此不辰生意厭厭何暇修入事而猶幸有習氣之存誠  
願更到西湖一葉扁舟從流而下盡龍門壯觀詠敬庵詩  
是亦平生一快事而此不可必耳完之二宗委訪寂寞之

濱感荷沒量無物可接薄言告歸薪俸

答全景陽

壽老

全景柔

基老

全景任

仁老

前書未復復此垂慰愧先感後無以為喻矧審侍殯哀體  
萬支者乎國鉉居然作者窮之人况味良覺辛酸有何可  
道哉先大人遺文當不朽於百世而時非其時奈何竊愿  
在在收拾藏諸巾行以待造物者究竟處分如何品樓亭  
稷案修正事果已歸宿耶既錄之名今反及周則其人歸  
之何處深息焉

與柳景見

震台

奉唔幾至一年之多懷想除抑不得恪詢靜中宿症近不

闖發或有美璋之漸耶賢史嗣續之晚在人悶然况吾賢  
史孝思之過人者乎處地之薄劣吾儒本分事一聽天而  
已慎勿瑕慮如何國鉉衰氣漸至黑者白明者昏不知將  
作何樣人浩歎可旣挽近經過本業耕織才可爲糊口之  
資收分足矣歲華垂盡合簪無梯臨紙冲悵耳

答族叔顯五

秉純

明善來獲拜惠翰空喜而驚奈之何萱幃體力不保天和  
若是支離誠孝所格當不遠而復然明善口報優於書教  
且云竈陘或塵孝子何以爲心聞之自不勝惻惕傷嘆手  
短無一分氣力相救還愧無補之空言耳玉洞先祖墓道

碑先父老積誠未遑之事始效於今日却似天公會事發  
石得磨礮垂訖刻字將不遠筆欲問於誰人也門地德望  
欠一不可奚獨取乎筆爲也國鉉爲先之誠力敢欲不讓  
於人然落落在百餘里之外而衰敗日甚未能效區區之  
萬一自訟而自讞不免落在無過之過地也豎碑日進叅  
已有擊楫然臨時事惡可知耶餘惟侍湯自重不備謝

與李亨元

不接清儀已數朔矣遙想湖臺眼前飛躍雲裏牙峽悠感  
爲自家物事此樂謂如何哉此者謹問侍餘修養超勝棣  
樂湛洽國鉉一直潦倒無復有望於知舊之列也奈何奈

何鄙亭今緩訖工落成之日吾友豈不作此中之賓耶座  
擾不宣

與族弟啟用

維銘

頃於故社之行心未面晤悵跂殊深恪詢侍殯哀履支安  
悲念不淺囊奉身貪春竊何以爲計吾意則留待麥秋爲  
可喪親未葬不獨乎君古亦有石曼卿安知今世無范仲  
淹耶勿焦心腸如何族兄猿况一如辛酸而或者披玩政  
難專心何益之有反不如看山看水發揚幽懷故方遠遊  
爲計耳

答宗人章善

正都

別後得書始知華旆利旋仍審學候珍勝聞與四子同房  
日於卷中曰然曰不然天下之樂孰大於此嶺下文明之  
運獨不在於賢座之家乎欽羨不已國鉉一病支離擁衾  
委臥振作無期自是心氣不實之致近得擡頭起坐耳目  
失司若木偶人不知何日是可先府君墓碣銘何敢當何  
敢當特以同宗厚誼而語手書若茲之勤孝子之誠固難  
得以測也難孤盛意強此滋筆願以賢座高明丁乙之潤  
色之如何

與朴文幸 奉亭

賁臨廢居薄言旋歸席有餘香恪詢遠行餘學體珍相國

鉉裹索漸甚卷中收拾散漫無餘知是年富時不驚之致  
耳謾誦朱夫子霜落頭邊恨奈何詩而已每對畏友慚汗  
莫容賢史吾儒中豪傑人也讀書四十年憂患不能入貧  
寒不敢逼非有得力處豈能如是甚盛夫士增茲多口政  
是戒慎處古人云飛言遇知者而止今世知者能幾人竊  
惟以光明正大四字自期待如臨深履薄則超然出是非  
之外爲賢史願之近或有刊所之行耶

與姜孝範

榮熙

客臘歸路歲迫日寒且爲同行人所沮憂過清塾中心悵  
缺迄今未釋恪詢峭寒燕居學味何似近有溪上之行耶

斯文校刊不可一二人能勘亦不可一二日能訖物費甚  
廣事貴神速如吾賢才智出入遠矣慎母曰年少校正非  
已任筆筆削削期至于約至可至可景陽傾竭血誠深欲  
盡善盡美而或有自見之弊爲之貢慮

與三從姪

洪烈

汝年踰二十必知書之當讀而心無主者將何處立脚不  
與者年也勉勵勉勵餘力讀書匪高遠難行之事爲之則  
是想汝之意其必曰我無才也讀必無成虛度時日何其  
愚也人雖鈍魯今日讀一行明日讀一行積以歲月何書  
未讀何患無成今更放四子中占一部書熟讀詳味勿爲

放過朱文公戒子曰勤勤二字循之而上有無限好事循之而下有無限不好事此言當深味也

答李士重

銘永

玉肖委訪鷄犬亦喜半日穩討語言有味極是愛憐而旋即告歸挽之不得去者雖悵心不若送者之悲也惠書感荷良深而滿幅稱道無非過情親知間文字斷不如是若使有眼者觀之不但吾子之失擔當者亦未安仍審春府體候益膺難老侍餘動止珍相實叶勞禱國鉉一疾半載出沒鬼關新年幸得少愈艱於把筆不能多及

答河奉朝

啓玉

床雨廢屋塊坐泐寂一封情緘自水聲中帶來披復不無  
異聞况侍體之安樂者乎國鉉自少非不從遊於大君子  
之門而到老別無見得爲恨何益疇暇水弊貴居亦應有  
之爲之問人窮儒計活去去益艱回念上天警責下民將  
玉汝于成願加心力爲其所當爲詩曰畏天之威于時保  
之

答族弟玉汝

成鉉

明善優得見哀疏辭氣溫雅意思深長留置刀右不覺紙  
毛吾哀以若見聞不料我無似稱道過情實是背汗大抵  
吾人直質殘弱不患過而患不及平地上豎立不易當求

餘師校方冊中戰兢惕厲如臨深淵如履薄冰動靜云爲  
無越其殼其庶幾哉碑役事不勝感泣百年經營今日始  
得有成不但吾子孫之慰悅先父老不死之靈少含笑於  
地下矣運刻之苦不見是圖族兄落在百里徒勞心神而  
已息山所撰碣文不可加減碑頭橫書職銜似無妨耳

答成仁述

煥寶

日前令阮府委枉坐席未暖薄言旋歸餘悵尙爾孫兒袖  
珍緘來疾手圭復如對芝宇况慷慨之志自露辭褻者乎  
老物亦食土氓也縱有報國之心其奈弩末之勢何當今  
之日事無可爲者莫若屏跡嵌巖以圖全保願吾子不貳

其心以朝聞夕死自期毋失古家儀範相愛之地妄陳警  
說倘不以下體棄葑菲耶寒暄不暇及

答族姪洪翼

病中得一封書如披青睹白汝之才質不魯擬大成就近  
聞浮沉世務有事於無事胡爲而然不曰爲山九仞功虧  
一簣乎吾家先父老以文鳴世世稱才府庫今見後進舍  
曰繼承而如汝者亦無幾雖曰不辰更加心力掃却外誘  
大做旗脚超然竝立使志帥氣卒鞭擗近裏作自家物件  
則前進之階次打開自有歸宿處朱夫子與魏應仲書  
曰無故不須出八步說閒話恐廢先陰勿觀雜書恐分精

力此於汝最爲切當之戒幸勉之勉之

與河載龜

聲息久阻紆鬱難狀未審兄體事何如國鉉衰敗轉劇日  
事吟病符到似不遠而膝憂層鱗良苦且悶獅孫毛骨俊  
秀是何等好消息竊爲兄奉賀不淺每一者躬晉抱美以  
歸老脚無力豈能容易辦得耶

與鄭憲柱

向宿仙亭雲山依舊絃觴羅前但雲翁已作古人不無傷  
感賢史日與村秀尋行數墨猶有雲翁遺風甚盛甚盛國  
鉉返棲有日餘億尚甚自憐奈何

與族人士憲

昌鉉

淵亭一宵亦緣耳歸臥湖上三山雲物尙甬于心今於玉  
宵之來仍審堂上候安享孝養掃清軒延知舊專心經史  
甚盛甚盛國鉉白首殘年漫然久客返棲無期雖曰爲先  
實所難堪譜事各派爭詰互相歸順告訖在通貴派單子  
繡梓不遠賁臨詳察毋有後日之恨

芳洲文集卷之二

芳洲文集卷之三

序

近民堂鄉飲酒禮序

吾晉古所謂鄒魯之鄉也粵自河金兩先生教授後名碩輩出文學大興春秋講會時庠舍不能容世級漸降鄉無善俗士氣不振其或陋巷好古之士雖欲云云無其地亦非其時也恭惟我牧使許公璩自金官蒞任茲邑時亂離凶荒之餘邑里蕭條吏民欣僞餘在者亦無恒產不得安其性奚暇治禮義哉噫此土即古之晉陽也俟以尹鐸之所寬自期貸舊稅舒其力損月俸賑其飢齊民安堵非類

亦歸正見今大麥登稔民食之足自此有漸孟子曰人之  
爲道也飽食煖衣逸居而無教則近於禽獸蓋旣富則不  
可不教教之不可以不以禮豈以古今異宜莫之行也故  
是招延四方多士留館於校宮朝夕使人以問卜日行獻  
禮於近民堂兩楹間賓主升降之位僕介揖讓之席依圖  
式點定其餘尊俎等物無一不具衣冠整齊威肅進而不  
違列退而不失序樂舞俱作自不知手之舞之足之蹈之  
此茲鄉之挽近初有事也蜀郡儒化武城絃歌同專美於  
古矣其功亞於兩先生教授之效也歟

宗案序

鄉有鄉案里有里案皆示重於後人者也吾宗祖醒在公  
家晉州二百有餘年雲仍甚繁宐有宗案爲同祖之證先  
父老未遑因仍訖今噫豈以未遑事謂之家謨而不爲哉  
子而爲父未遑孝也非罪也今年宗會時倡始宗案咸曰  
固當恨未早圖一依泉谷大宗規例以年齒爲先錄之一  
冊孝悌之心油然而生先靈若在觀之必曰汝在斯汝在  
斯吾宗鐵券孰大於此及至終末不著原而有餘紙以俟  
後之成冠者

記

道州設壇記

陝州之道淵即吾先祖五賢安靈之所也粵自院撤後鞠  
爲蕪墟樵牧入焉是豈忍哉族叔秉祿氏倡始修禊五賢  
家子孫無異辭一齊成案每年二月仲丁會于書院舊址  
行釋菜禮亦一盛舉然而當日掃地綿蕞甚是苟且於是  
經營設壇去年春各家同力等之蓋以青石上可設五位  
下可立數十人余與周君是汝逍遙壇上羣山拱揖百川  
朝宗彷彿俎豆遺墟喟然嘆曰吾人願少毋死重見侂年  
俎豆之盛斯壇者豈不足以爲其兆也乎因爲之記

跋

平川同話錄跋

庚寅春刊性齋先生庸語于丹邱之隱樂齋許枋山李晚  
求不遠數百里而來隣壤鴻碩又多集焉校答問書一卷  
仍下平川塾舍竟夜團圍儘不易得之盛舉也翼日成同  
話錄題姓名居地因各賦詩一首余以晚到未參端礪翁  
歎惜不已使之次韻命族子聯名於同話錄教余作跋以  
替後日面目云

許孔淑 煥 日記跋

古人千言萬語大抵是日用間所記者也豈以古今異宜  
莫之行也耶許雅從事斯文者也置小冊子今日記一事  
明日記一事其意欲無一不記也予嘉之因諭曰每日每

事不必盡記凡關所行所業之不可闕者表日而記積之  
不已是亦文藝之一事也時復披說則安知不覺今是而  
昨非也勉旃勉旃哉

說

拜送性齋許先生歸金海說

余今年春往金海府執謁先生先生不鄙庸愚許以摳衣  
之列及其辭歸恍然若千載之下復見古人方欲更謁爲  
兩所戲而未果日族大父聖憲氏來報曰先生行幘自德  
川到晉府方向于嘉湖余忻然聞之往蠹石南軒有書曰  
金海舍館定于某處蓋先生手筆也所以然者從者多故

矣余從某處去則方八兵衙中故未能拜謁而來待蠹石  
無何行次登臨焉茲土之風物斯樓之詩韻爲先生素所  
賞翫者余拜先生旣而陪東到嘉湖先生曰君家大明花  
安在對曰在彼壇上者是也先生親拄杖履拚花枝而嘆  
曰素以皇明佳植傳在於君家空善護此花無使無知樵  
童剪伐也且曰工夫不在於難極處若難至則昔何有韓  
柳之文程朱之學乎只是誠誠者自強不息之謂也余拜  
而受之因餞于江上仍述其實乃丙寅五月十一日也

四端七情說

朱子曰四端理之發七情氣之發退溪述朱子之意曰四

端理發而氣隨之七情氣發而理乘之蓋理之流行氣亦率從氣之用事理爲宰制而或以爲四七皆氣發又或以爲皆理發何也彼見其形氣之私然錯發用於外而不知本然之性根於中者謂然流行則其失也認理爲氣徒見七情之聽命於四端不知其一畝苗豚在氣上發則其失也認氣爲理星湖新編曰一理一氣迭爲經緯謂之皆有理則可謂之皆理發則偏重於理一邊而不備矣謂之理亦以氣見其發則可謂之皆氣發則專屬於氣一邊而不明矣

祭文

祭性齋許先生文

恭惟先生崛起漢中河嶽攸鍾金玉其質雪月之精種學  
績文粹面盎背卓立寶地身任開繼透得心性觀察天人  
優優三千節鮮支分罇瓢屢空其樂斯存名徹九重位望  
相得分憂百里故都駕洛潮州倡學武城絃歌門庭如海  
入各飲河對策天門三政俱舉廬訓宗哲衆理躍如小子  
負笈拜謁涵虛開示前程俾無適埴不鄙賤微下書如束  
斯文運否木稼告災國無著龜士失宗師奔赴後人罪負  
媿耻不昧者靈庶斯欽格

祭端硯金文文



恭惟  
績文  
優優  
相得  
入各  
負笈  
斯文  
昵姓

369

利息納入通知書

一金 九銀五五錢也

大正十四年十月十九日貸付之金二五〇円計利息

自大正十五年四月一日  
至大正十六年六月三十日 九一圓計利息

右記利息金大正末日為期 彙建納入支

付金茲何 飛名者

大正十五年 月 日

華澤面上三自

宜室金融組合

韓賢睦 歟

學 八 望 海 子 速 負

嗚乎先生山岳氣像瑚璉器局佩服家訓兼備才德一朝  
登龍天顏咫尺青雲諫院不負言責際會雖好窄情斯薄  
急流勇退一馬一僕大耐貧寒不改其樂猶有世傳蒲架  
書帙林下日長悠然自得立雪愚亭追風駕洛因得嫡傳  
見道真的際茲叔季挺身卓立頽波砥柱昏衢点燭扶正  
斥邪不辭秉筆勉進後生指證先覺風望攸暨千里裹足  
晚棲大岳光風霽月吟美以歸宵旰灑落修禊重陽菊醪  
相酌顧我無似晉拜函席爰得依歸幸免墻埴木稼告災  
忽焉易質三月須臾葬期已迫風教餘在遠通咸集拚撫  
玄和不忍告訣

祭族祖蠹庵公文

猗我家世有替有興往在中葉門地炳靈羣公輩作知名  
鄉曲天第零落踈冷斯極運無不復鍾公于豐父祖典型  
豪傑風稜本巨範圍不事碌碌見危泰然當難自若得助  
江山隨處壯觀癖於烟霞博以聞見平生抱負準擬濟衆  
命與數竒一未試用大嶺以南斯友善土晚謁性翁服膺  
妙旨不遠川陸簡書盈束座右力說朝夕視則玉洞遺寶  
先世未遑同我從祖殫盡血誠收拾鏡梓能事告訖昔我  
宗事亂無歸宿旣完旣固亦公之力提挈巴東今幾日月  
薄田數畝生涯淡泊立志卓絕貧不能棄齊家有法知舊

咸服小子無祿奄哭天崩彼蒼胡酷今又棄公居諸易駛  
撒達斯迫洞酌酌靈千古永訣

祭族叔學圃公

秉祿文

嗚呼惟我族叔處士公別世幾至二年之多川陸隔遠病  
而不得執手沒而不得含穉葬而不得歐罔負負平昔復  
何言哉茲庸丙午小春日族姪國鉉老且病十里一宿五  
里十休匍匐臨門如聞警咳而儀形未隔如見儀形而警  
咳永秘嗚呼死者無知有知者之悲再拜痛哭于靈卓之  
下曰嗚呼公生于世六十有餘年於人事上無不可對人  
語者固是生質之美學問之力亦不可誣也粵自穉齡樂

有賢父兄勤苦讀書能變化氣質文章自成寒郊瘦島  
專美放古也遵國家作養之方躡屨擔簦千里不中居十  
過半付之數奇樵山漁水評花品月消遣世慮教子養孫  
嫁女取婦空家空弟敦宗睦族勤耕力穡晚穰稍煖嗚呼  
以行則公高以年則我長年行相忘志氣相符如車之有  
輪鳥之有翼往在庚子修譜之日別樣風波公多靜息我  
或調護禾谷墓奠之菲薄道淵殿享之廢撤及咷我慨爾  
各立規宗族輸誠士林趨向嗚呼今以後禾谷瞻掃也少  
一道淵釋菜也少一悠悠我思寧不作惡洞酌荒辭以告  
微衷不昧者靈庶斯歆格嗚呼尚饗

上樑文

霽光亭上樑文

物議相孚益得義經大壯之卦時運適值詠歌周雅斯千  
之章營室照臨宮墻排布三代育英之教有塾有庠百尺  
步竿之工希賢希聖紛測圭枚予午繫列礎於東西公輪  
巧離婁明斧彼鉅彼牛山水淇澳竹葉其取其古人從繩  
之箴有詩可想君子絜矩之道無處不中李君之山房可  
藏千卷胡公之庠舍難容四方州里恒言辭道鄭康成書  
帶之草風泉餘感觀得明 順宗賞賜之花告厥成功苟  
完苟美訪予落止爰處爰居燕賀簪端翬飛屋角一家二

家同心同力剖破藩籬百世千世有本有支培養花樹拋  
樑東霽月光風繞碧空喚起羣蒙相對坐箇中和氣動春  
風拋樑西立立羣靈一樣齊物外烟霞都管領何來詞客  
問巖棲拋樑南天地中虛有大潭休說虹橋消息斷招招  
舟子入深探拋樑北大野四平入會力也識無農莫養吾  
明窓淨几安棲息拋樑上北極定中奎彩放絃誦家家有  
古風仰觀天象因尋向拋樑下花樹叢差環古社追慕吾  
家世德新漢時疏廣何如者伏愿上樑之後教子教孫灑  
掃應對進退無大無小格致誠正修齊興於立於成於知  
者好者樂者先進後進古文今文自西自南道里均適徹

上徹下血脉貫通里冠蓋門鄒魯炳靈中葉冬詩書春禮  
樂警責下根

告由文

松谷集告由文

恭惟先生崛起南服芝根醴源龍蟠鳳逸早任斯文發憤  
忘食終日乾乾窮年屹屹言行相顧踐履篤實追喪三年  
泣血毀瘠天感誠孝示驗微物一馬一僮遍遊鰥域友交  
高士瞻謁先哲於昭文稿遺在敝簾蠹魚荐食永交相齧  
茲敢叩椎亦既丁乙丕擬傳壽付與剖劂時與數值閱月  
告訖二百年后乃有今日肆乃齊告庶幾歆燭

銘

燈銘

火德建中惟精惟一自誠明方不欺暗室

硯銘

他山之石琢磨而成中圓外方太古之精能潤水德壽而

缺亨

墓碣銘

高祖考處士府君墓碣銘

公諱憲益字子允南平其貫也始祖諱多省三韓壁上功  
臣中祖諱克謙平章事諡忠肅八 本朝諱益成行牧使

贈都承旨號玉洞享道淵生諱劼進士號醒狂生諱弘

運進士號梅村以弟宣武郎諱弘遠子在茲爲嗣武舉宣  
傳是爲公五世祖也曾祖諱斗徵武科祖諱應奎考諱以  
復妣延安李氏道原女 英廟庚戌生公于禿川里第德

器宏博未嘗有疾言遠色移寓固之滌亭不圖名利漁釣  
自遣道見金一緡放杖守之日暮有人還尋即舉以贈之

正廟丁未九月二十七日考終于寢得年五十八配金

海許氏燾女先公五月三日終是歲之秋合窆于望林負  
艮之原舉二男曰尚渭曰尚海尚渭子曰之純曰昌純曰  
季純女河彥範尚海子曰熙純曰儉純曰世純曰鳳純女

許鉦來雲甚繁不可盡錄銘曰

並州鄉坊邁種其德不顯亦世本支蒙澤無人薦剡終老  
林壑一山同窆勝蠻且格於千萬年可徵片石

樂齋文公墓碣銘

吾宗有孝子諱怡穆字周憲樂齋號也鼻祖諱多省三韓  
壁上功臣中祖諱克謙卒章事諡忠肅諱益漸號三憂堂  
江城君八 本朝諱尚能右承旨有諱思得必元德有卽  
公曾大父大父也妣晉陽柳氏鳳壽女 純廟乙酉十  
月七日生公于法勿里第公孝事二親樵山漁水無闕甘  
旨有異味未嘗先入口懷之而歸獻焉親瘠不翔不矧泣

剖寒水魚乃出採藥窮山虎亦避之壬寅丁大人憂時有  
九耄重堂又有七旬老慈恐傷其志不得擗踊送終節次  
一遵禮制無有少憾每當忌諱三戒七齋曲盡誠力其妻  
化之亦以孝婦稱嘗戒諸子曰孝者百行之原未有孝而  
不忠其君不敬其長者也丙戌六月十日考終于寢享年  
六十二葬于嘉佐負辛之原配陝川李氏文煥女無育配  
星山李氏淑範女舉四男曰正彬正郁正鏞正基正彬一  
男二女翰永二女適金元基河龍八正郁四男一女枯永  
祐永祺永祧永女幼正鏞一男福永正基一男珉永銘曰  
葛廬之西哲人之塋錫類勿替自天神明片石可語孝子

之名

行錄

成均進士梅村公行錄

公諱弘運字汝幹號梅村始祖諱多省南平伯諡武成中  
祖諱克謙平章事諡忠肅八 本朝有諱翁進士諱益成  
生進文科司成 贈都承旨號玉洞諱劼進士號醒狂是  
公曾大父大父也妣全義李氏諱公直之女 萬曆丁  
丑生于嘉坊里第天賦豐淳才器卓犖自孩提時好讀書  
受學於永慕堂堂卽外從叔李新菴所居老先生南冥記  
之者也十三歲受大學於仲父雪溪公退而書一敬字於

陸右以爲常目之資自茲以往一馬一僮周流南國所交  
遊無非當世之大君子聞見博而行益篤丁酉倭亂大人  
公方倡起義旅公爲作檄文士民感激赴湯者甚多六月  
隨大人於鱔津陣中極力周旋戊戌軍岳陽與零溪公相  
聞四月大人遘疾卒于軍公痛哭三日罷陣躬辦喪具襲  
之歛之權攢山陽晝夕號泣一軍莫不流涕時雪溪公以  
嶺南敬差官書示忠孝兩全四字公與弟私遠同心服膺  
倭退後返柩於舊居居無何又丁大夫人喪哀毀難支越  
三月某日葬于集賢山下致誠盡禮遠邇來吊者大悅朔  
望省掃春秋致奠不以風雨廢每越炭峙行人讓路曰此

路之寸土片石無不受孝子弔服闋無復出世意構精舍  
數間爲藏修若將終年有詩曰卜筭幽居好山奇水亦清  
德星天上會佳氣地中生壬子進士誓不干祿嘗與成浮  
查朴凌虛泛舟訪郭忘憂於滄巖亭忘憂留之信宿爲設  
小饌泛舟同遊於亭下時人比之李郭古事過守愚堂舊  
墟有詩曰守愚堂接雷龍舍師友淵源有自來可惜高聲  
今寂寞山光水色揔含哀至陶難感一蠹舊蹟有詩曰昔  
人已去吾安做滿壁風烟更慘淒又與成浮查朴凌虛李  
蘆坡河滄洲吳思湖權東溪趙鳳岡河松臺權東山趙澗  
松林林谷許滄洲韓鈞隱成彊齋河謙齋鄭秋潭遊雙溪

有唱酬詩朴凌虛嘗與成浮查論爲人曰此人比如百丈  
高樓軒豁於半空中而四面八方專無遮障文練江齋贊  
曰晦迹江湖文章自娛趙澗松詩曰安得才雄文上舍揮  
毫一寫百篇詩庚辰九月卒得年四十四士林擬享臨川  
鄉祠未果所著文屢經灰燼掃盡無餘取諸賢集中短章  
隻句未克成編配清州韓氏孤松諱大器之女無育以弟弘  
達子在茲爲嗣墓在長興洞西坐原配北祔下

處士梅圃公實錄

公諱世純字周顯號梅圃考滄海公諱尚海妣清州韓氏  
諱思宇之女萬曆辛巳生滌亭本第姿稟高明自孩提

時爲志異常受教於家大人語天則推知地語父則推知  
母讀書文義自解時姊夫許公來客于家欲試其才一日  
內故使莫之讀見公當人定時以炭末火燻看過翼朝背  
誦不差一字心甚異之十三歲出就宋南斗翁彙純師事

之遍讀經傳子史能十行俱下碁三百及大行等數無不  
通透嘗爲舉子業詞章敏給又欲博求陰陽術數遯庵李  
公深惜公心力之費曰勿爲也若正理也聖人當先爲之  
公於是覺其非是而棄之就中庸讀二年意謂得要領及  
見或問多有已見不及處復讀一年聞定齋柳先生設教於  
大坪致書質問孟子浩然大學絜矩之義手書退溪聖學

十圖置之几案以備常目慨先蹟之散逸博采諸賢文集

裒輯成編與崔絅齋祥純鄭雙洲鳳元為麗澤交西遊京

師金判書永禮有詩云三十文章士嶠南第一人哲宗壬

子卒得年三十三配朔寧崔氏一默之女生二男一女長

起大次起瓚女適金聲振葬望峴卯坐原配兆同遺稿詩

若難著夢遊錄禍於鬱攸無徵來後可勝嘆哉

先考府君行錄

府君諱起龍字大賢王父諱尙海號滄海父諱熙純妣載

寧李氏諱海連之女純廟壬申十二月晦日府君生滌

亭私第甫三歲俱失怙恃零丁孤子鞠於王父王父之教

一一佩服略解爲人之方及讀小學至事父母等語泫然  
流涕王父慰使止之丙申居王父憂期盡血誠葬之以禮  
祭之以禮居無何又遭仲父變只有遺腹人皆爲無主喪  
不可殯府君曰從子赤子也豈是無主遂殯於所居供奠  
之禮極致其誠時叔父方未冠府君深慮學業未就請不  
事產業專心讀書遂成巨擘嘗言先妣烈行至今未廢是  
我之罪痛恨終身招不肖謂曰吾家以文翰爲世業先父  
兄次次零落責不在於汝乎汝其從學遯庵遯庵君子也  
不肖負笈師事之不肖無祿丙辰丁母氏喪井白無主府  
君本不欲取人主饋使不肖昆季更炊朝兼午午兼夕如

此者三二年待不肖有室縱不肖遊學聞許性齋莅金海  
府使教授多士曰汝往就正焉府君賦性貞一雖枚衆而  
汎愛非其賢則不親至於是非利害斷斷無表襮 當于  
丁丑三月十六日考終于家配文化柳氏諱之新之女生  
不肖三人曰國鉉命鉉道鉉

遺事

宣武郎寒泉堂遺事

公諱弘遠字汝由號寒泉堂先系在梅村公行錄萬曆壬  
午生于本第姿稟清秀志氣豪邁自爲嬉戲異凡兒進士  
公愛之日保吾門戶足矣七歲隨家伯於永慕堂始知讀

書之方及其成冠望實具備為當世表準一應司馬試不  
中遂廢舉業曰粗為及第父為進士兄亦為進士吾更何  
求遂構堂於寒泉上為晚年藏修所嗶嗶然自得養性存  
心不求聞達受室於陝川李氏諱仁凝之女生子在茲丙  
亂倡義見南莫不守歸隱江湖再徵不就公卒于 孝宗  
丙申得年七十五葬長竹洞西坐原配墓附右

處士公遺事

公諱聖緯字平伯宣傳公諱在茲之長子也 仁廟癸亥  
生賦性溫雅有士君子風範博涉經史餘事舉業從遊於  
河謙齋先生研窮性理庚寅九月與諸名碩大會于德川

行相揖禮錄青襟案語同志曰先生之敬義日月其明吾  
高祖玉洞公受教於先生今我孱孫叅講於是院感慕之  
心當如何哉公放先考主題碣銘不用官職人多詰之卽  
曰先考平生不肯受是官至於死而用之實是未安云餘  
他確言格論能辨善惡定是非見重於人 顯廟乙酉卒  
享年四十七以仲弟聖欽子斗徵爲後墓在鈞莊洞坤坐  
之原配兆祔右

及第公遺事

公諱斗徵字時見父諱聖緯生父諱聖欽 仁廟乙酉生  
軀殼壯健才器宏深慷慨有大節一時豪傑之士莫不願

交爲柳判書宅相受大明花一本種之於家以寓風泉之  
感時人稱之曰大明花主人丙辰登虎榜時兵使吳公書  
柳判書曰爲 朝廷得人賀也同遊蠹石講習武事 肅  
廟壬戌卒有子曰應旁應壁應奎應并應台葬于考墓下  
配北祔石

叔祖成均進士烏川公遺事

公諱應參字子晉號烏川 肅廟庚申生資性忠厚才藝  
明敏年甫十餘文行兼備儼然若老成人壬午中進士自  
謂少年登科一不幸益勵經學遍覽無餘尤好洛閩書抄  
略緊要以爲常誦之資留洋二年間見益博先進皆推讓

焉乙酉卒于京師各公巨卿嗟惜不已曰失一賢士或使  
其子姪護喪千里配羅州朴氏壽齊女生子以龍亦以學  
行聞于鄉與河愧窩大觀爲道義交

叔祖通德郎遺事

公諱應翼字應卿 孝宗壬子生雅性嚴峻有大丈夫風  
慷慨自高扁扁然落落然戊申之亂兵使檄召公監軍而  
畏賊不進公楹腕大談曰渠以本營元帥爲國之心當先  
放諸有司而乃敢如此不死何爲杖劍即入觀德堂兵使  
驚而避走諸將枝挽而止公怒擊門楣劍痕深入數寸後  
當治楹兵使曰勿去劍痕以旌義士道伯朴文秀壯其義

啓聞除禁衛管別軍官不就

雜著

不服出母本父考

父母喪三年天經地義不可變也而若出母本父則雖曰  
降期三年之體猶在也檀弓曰孔氏之不喪出母自子思  
始王弼州宛委餘編曰胡寅少不為父所舉伯父安國舉  
之後不持父服甚是後人之訝子思聖人也致堂賢人也  
豈有如此之失是以徐健菴曰禮制自先王世守於孔氏  
子思焉得以癡之瓦檀弓之記物皆言其癡禮之失者獨  
於子思無譏乎不欲明言之故微文以志其癡禮之始也

張懋修談乘及徐乾學讀禮通考曰雖出后人寧有全不  
服所生之禮乎降期獨不可服耶致堂他事多有好處故  
前儒稱之然至於不服父母喪斷不可厚恕也然則先王  
之爲出母本父制服是必有深意矣

芳洲文集卷之四

附錄

行狀

惟我從先祖玉洞先生以文學道德受南冥之衣鉢著東國之文獻黼黻明廷祀享道淵公其后裔之一也公姓文氏諱國鉉字泰用芳洲自號也鼻祖諱多省字明遠三韓開國伯諡武成貫南平三光先生自下十七世皆封侯封君有諡著顯東史十八世諱証匡靖大夫是生諱仁渭上將軍是生諱祿千典理判書是生諱瑾版圖判書徙陝川大冶村畢齋金先生有詩曰何人首東徙飄泊大冶村蓋

麗末諸賢杜門之前也自下皆蔭仕諱翁進士是生諱益  
成生進文科重試 贈都承旨乃玉洞先生也是生諱劼進  
士壬辰倡義死於陣是生諱弘運進士號梅村諱弘遠號寒  
泉師事寒岡鄭先生是生諱在茲丙子倡義徵宣傳是生  
諱聖緯師事謙齋河先生是生諱斗徵武科自下三世皆  
隱德曾祖諱尚海字聖用號滄海壬申倡義祖諱熙純妃  
載寧李氏有烈行考諱起龍妃文化柳氏之新女承旨世  
章五世孫 憲宗戊戌生公于固城武夷山下滌亭里第自  
孩提聰藝出凡見書冊必愛翫無斃七歲受學于從祖梅  
圃公公沒後癸丑往拜遜庵李公受業從事二十餘年得

聞斯學宗旨李公沒心服三年甲寅春移居晉州馬洞乙卯哭母夫人喪葬一遵家禮如老成家事付托二弟自任學力立志堅固不以俗務少怠辛酉聘晉陽姜氏達渭之女事舅事君子之道勤心竭誠入稱女君賢子使公從師就友涵游於吾儒家本分上實地五十年由於內助甲子性齋許先生以朝廷特命莅金海當其時嶺儒咸頌曰吾道南矣公載贄往拜之函丈洪鍾於是得聞及門鴻碩臭味相孚皆欲願交庚午俱失二弟以平日孝友終鮮之痛夫復何言上有春堂朝夕趨庭百端寬慰入曰孝哉某也丁丑當外艱喪葬一如前喪奉親墓於拒家十里許朔望

省拜風雨不廢事生事死無不出於至誠聞衣制之變歎  
曰聖人有言非先王之服不鼓服此是何特終不易服見  
邪學日熾招集門子姪訓之曰立天地人三才後天道日  
月星辰風雨陰陽之所施爲坤道山川草木羽毛鱗介之  
所厚載入道堯舜禹湯文武周孔之所垂教也吾未知吾  
學之外更有何道理也若無回狂瀾之力量只可守其身  
保其家而已矣甲辰哭夫人姜氏晚年等歲修之室於家  
近爲願養之所以聖賢之書沉潛翫味以爲計活之資學  
者多就質焉庚戌秋得疾謂子若姪曰吾年近八耄命乃  
在天勿煩藥餌辛亥三月二十八日考終于寢祔葬夫人

墓艮坐原從治命也及其葬也東南僚友相縛而哭之曰  
吾黨之真儒死矣後生安仰蓋晉陽士夫之林數苟非平  
日景仰之深乃爾耶公有三男一女男洪一洪珏出后洪  
祿女適河槽鎮洪一二男一女男奭柱鐵柱女適李敬夏  
奭柱一男炳學餘不盡錄嗚呼公之傳家孝友之道本乎  
倫爨處族和睦之義根乎天性誠竭於報先心勤於牖後  
矜佩雅潔有冰雪之操城府洞開無纖芥之滯分外之事  
視若雲過直內之工強以日勉寬平容物不疾言遽色恭  
儉修身惟深謀遠慮見人之善贊揚之不暇起俗之累懼  
然若兔平生踐履不差跬步至老操守不失尺寸望之而

威儀端肅即之而雍容和氣觀其德行真是士君子心法  
中出來人惜之曰以若芳洲公之行德其學其文宜乎  
著用於世而終然甘老死於林泉是豈命耶良可恨也余  
曰不然孔門弟子考以四科蓋稱官闕故顏淵以一簞食  
一瓢飲不改其樂原憲桑樞蓬戶坐而絃歌公亦學孔子  
之徒也遇不遇時也於公何戚戚焉公之文遺在巾行足  
以模範於世公之子洪一君懼其遺芬之久而泯沒無傳  
方謀繡棗以其狀文謬囑於不佞自念淺見不敏當然於  
公平日動靜云爲之地幸嘗陪遊而有所觀感重違孝子  
之志擬家藏姑此爲狀以俟秉筆君子博採焉

癸亥三月上泮族弟璟鍾謹撰

墓碣銘

并序

始吾年十七八拜公於雷龍尊俎之席時適當吾門年少  
輩乏人公愛我特厚自後公貶屈年德以我爲公我亦敢  
以公爲我相與之意略無間然矣公歿之時吾挈妻子寄  
口於四方旣失寢門之哭亦無狀德一言以與靈訣公之  
孤洪一褒輯公言之著於文者將傳世垂後而其表墓  
之銘再拜專書而問於吾不亦善乎孝子之心也吾嘗親  
事長者固願爲長者一言以爲事長者之幸而未效者也  
當論撰其美吾何敢不勉大病垂深末由也已瞿然心自

辭之一日洪一版蒞而來張目噎咽而謂曰吾父之墓而  
不以大父之銘猶不葬且以溢辭虛美為吾父羞一大懼  
也吾強而諾曰唯公姓文氏南平之世也吾十一世祖玉  
洞先生子兄弟三人長協進士無后次勵大司諫是吾雪  
溪祖也第三公劾進士號醒狂翩然有鴻冥之意自陝川  
擇於海上得晉陽之嘉坊里壬亂與金翼虎將軍德齡倡  
義丁酉再舉義卒於軍功載錄券其葬在晉子孫不去其  
鄉公寔醒狂公十一世孫也諱國鉉字泰用芳洲其別自號  
也南州學者皆稱芳洲先生遠近遊談之士亦莫不曰芳  
洲芳洲云醒狂公二子長弘運進士號梅村士林議享臨

此書院未果次弘遠宣務郎躡寒泉受業於寒岡鄭先生  
是生諱在茲丙亂倡義方伯沈演假授公右兵使亂定朝  
廷累徵不就六傳而至諱尚海號滄海性忠孝壬申倡義  
親喪營葬有淚落雪赤之事載固城誌是於公爲曾祖祖  
諱熙純妣載寧李氏海連女年二十六善哭死之時起龍  
生四歲載固城誌考諱起龍母文化柳氏之新女有婦德  
生命鉉道鉉及公公居長命鉉道鉉夭公生而竒疑從祖  
梅圃公曰吾家有子梅圃公旣夭歿受學於遯庵李公年  
二十七往拜性齋許文憲公先生於金官時因師事之自  
是益肆力於古人之學其學自居家孝身以至接人應物

一以修身謹行爲本公正色寡言嚴重有威儀在衆每見其寡居貧不失其安喜愠不見好惡不偏憂人之歿樂人之慶聞人之善涕泣而悅之見人之惡惻惕而憐之智不用子房之縱容言必稱武侯之正大旣所植者確所履者正其見於聲音顏色者和而能嚴潔而不隘使人望之可敬而可愛者粹然爲盛德君子也公生於我哲孝王四年戊戌四月十六日年七十四辛亥三月十八日歿是年八月某日祔葬於夫人墓從治命也夫人晉陽姜達渭女少於公五歲恭敬克順甚得舅姑懽心仁愛及於宗族公之遊學四方內助之力爲多年六十二先公八年甲辰正月

三日沒墓在嘉坊里螺洞向坤之原子男洪一洪珪洪祿  
女河槽鎮洪珪出爲命鉉后洪一子男爽柱歲柱女李敬  
夏槽鎮子孝文爽柱于炳學餘不盡錄銘曰

劬心厲行貪賤不移衆之歆也和而潔確而謙衆之欽也  
子嗟乎德之積來譽之長天道之報宜其有子孫之昌

癸亥穀兩節門從秉純謹撰

挽

河憲鎮

蕭灑芳洲老溫然長者儀多情先契地承誨擊蒙時聖學  
今安用余生獨不支嗟哉後生恨無語涕漣漣

金基老

一代稱師表輿論有至公世守詩書業躬行孝弟風遽爲  
上帝召遂作後生恫秋日靈輻發淒淒恨不窮

河謙鎮

在昔清明日賢豪或隱冥矧茲爲變海安得不晨星落落  
違初志脩脩自古刑芳洲秋夜雨蘼露忍堪聽

許萬駿

月牙挺秀色降我芳洲公冰玉懷中潔春風座上鞅事業  
儒家富琴書古宅空腥塵如或挽仙駕便怱怱

朴泰亨

惟公文質正彬彬我識南鄉第一人  
案上書儲先聖道窓前花老大明春  
貽謨豐縣行其義所化蘇州教以身  
汾水雲歸空素幄後生何處更諮詢

從叔起羽

平生無偽飾至死不空言  
如斯何愧昨滄祖有賢孫垂矜  
呼孫曰勿遊多讀書不學無人識  
奈千年古廬避地葺脩計經營一  
草亭謾眺舊行路跽音不到亭交  
舊問山亭無人獨有亭殘花猶似  
昔開落守虛亭六旬多閱人稀見  
如君人律身無暫怠君子哉伊人  
兀知猶入夢况乃至情人一自三  
臯後胡爲永隔人帙帙家藏冊手  
封滿架頭何日

夏披翫塵飛蛛上遊觸目悽涼秋色天紛旌花縛向誰邊  
也知夫婦同原後更結前生未盡緣

河啓五

律身三尺端而儼靜養吾心每喫惺早謝利名趁實地晚  
從花樹起新亭生涯白屋無長物世業青氈有典型皮肚  
春秋人不識明花舊圃泣殘馨

姜璉桓

月山蒼蒼松水泱泱瓜生其間英偉不常與人以忠教子  
有方充養已久闡然而章賢人於今反爲不祥齋志以歸  
有知泣樛自我童穉受教是將欽仰至今耳語猶將嗚乎

誰依涕淚添裳袵進燕頰豈曰有光先生之風山高水長  
文 滢

祭文

岳社稷末金基老權玖容沈鍾澤

嗚呼先生吾黨之紀稟質堅剛天資粹美虛明洞澈洞見  
表裏早遊師門曰惟孔李是時斯文東西分裂曰理曰主  
騰騰口舌後生小子則此之學不此之學立見僨斥論性  
論氣論氣論性不備不明公爲究竟張子大訓斯文元命  
質之溪上蒙批之盛大岳一區千載之秘風月光霽山水

仁智九曲溪流武夷之地如此靈異人所廢棄實有獨得  
端碇夫子曰軒輊息曰寮宿止前賢後賢千載一揆諸子  
于于講磨經旨迺立之稷推公爲首重陽之月襟珮奔走  
歲月幾何淪謝先後嗚呼我公遽見啓手吾黨無依多士  
悽惻日月不居襄期斯迫聯名告訣不昧者存庶賜監格

文璟鍾文重燁文秉沃文震鍾文成鉉

玉祖裕後篤生賢公奎躔放輝月岳鍾英詩禮箕裘孝友  
茶飯仰師聖賢人在黃卷操貞介石氣和溫玉居在陋巷  
知有所樂傲視名場守我素履隨分自適一段襟期齊家  
以道處族惟敦對人接物小無崖岸八耄林下味深响書

童烏頂玄子雲知余山河鼓陷士氣沮喪風雨長夜閉戶  
存養靈光巋然儀表吾門南州士友咸頌公名庶謂仁壽  
百年在前是何蘭報蕩外飛傳天不憖遺抱德長終公之  
在世吾族瞻望今焉已矣亦復安仰睠彼長洲猶有遺芳  
南望痛哭不覺失音山川復迷花樹分陰揆以情禮空卽  
匍匐世債山積各係朽索即遠載迫無以致誠宗議駮發  
定一門生魚果菲奠致祭英靈齊聲告訣永隔幽明辭長  
筆短悲哀填臆伏惟不昧庶賜歆格

宋 梲

公今八于地矣賤子將向洛陽歸矣平時少別知有前期

而尚云其悵况今幽明未訣之日乎以我心踴躍然莫知  
攸裁者可知公不昧之靈踟躕眷顧於泉途之下也嗚呼  
公居晉康我在漢師落落千里魂夢難越及我南渡鮑屋  
于峨岑之下距仁里十里之近因緣從遊十載于茲矣竊  
覲公氣像圓和學術淵篤立大本於孝友忠信之地播華  
聞於鄉黨士林之間鶴髮烏巾優遊自樂歌詠先王之道  
不知老之已至一瞥之頃運值陽九天翻地覆 宗祏墟  
矣冠履倒矣哀我同胞盡八灑瀕苟求生活不知死之久  
矣公能潔身長逝未謝人間御風騎箕獨立萬物之表而  
逍遙三清之上凡世之得喪存亡都付於夢幻泡影由此

觀之今日之哭非哭公死實哭我生公其知耶抑將不知  
耶嗚呼痛哉公今入于地矣賤子將歸洛矣一盃痛哭萬  
古永訣

從叔起羽

重光大淵獻酉月之下弦丁巳遠近士君子親踈族戚人  
咸聚于芳洲處士棲息之所淚相視曰明日則處士某永  
歸于地嗚呼今而後知其之真死矣從叔起羽不勝痛迫  
含聲薄喉欲哭不能欲言又不能以數語辭書諸紙告之  
曰門祿不盛之致歟命數有定而然歟以君之豐賦剩德  
不施之於時而蘊輝韜光有身七十四年于世而竟林下

而止可云仁者之壽而壽之驗則無矣世值不辰天翻地  
沸潔身而先逝者固從心所欲後死之危苦賴誰得全嗚  
呼君年才十九泣天只又十有四年夫二弟越七年哭夫  
子鰥魚眠八年而沒續俟之際祇子若孫及功總人若干  
則其寧丁孤茆安保無銘恨在骨髓舍之歿之吾手治之  
手殯于窆吾躬管涉吾心之悲肯與等視等哭者同悲哉  
嗚呼君早受遜門得聞大坪宗旨贊謁性門承襲湖廬之  
淵源義理精熟學識明實其耿介之行高元之志水不足  
清玉不足潔世稿姓譜之節嚴私乘金石之典重無不已  
任而手澤之以不墜先業常自勉今焉已矣在三十年以

逢先父兄已次第不在世幾箇餘喘孤露相依無間乎若  
兄弟同樂乎等朋友爲晚暮情況而誓不出門相終始今  
焉已矣嗚呼君之珠咳繡績落在人間者尙渾於片楮故  
使其或瞻寫則每立筆歛泣其慕祖之哀令人難忍焉易  
得好便優力使之壽傳於世而乃已也嗚呼君常患季兒  
之未抱子去五月洪珏添一男六月洪祿得丈夫兒若少  
優天年則於其撫愛之喜爲如何嗚呼以膏盲之豎竟作  
受斧之葉九原何處萬古長夜一觴宥靈靈固有知耶有  
知則知告而告而無答告之者惡不極悲



跋

昔子朱子跋余巖起集有曰其爲文務爲明白扁落指切  
事情而無含胡齷卷睚眦側媚之態使讀之者不過一再  
卽曉然知其爲論某事出其策壽竊爲公制行立言實有  
見于此至論理氣則曰論性不論氣不備冥翁學記則曰  
以新舊本錯看則古今人得失可見從師取友則專以生  
三事一之義盡之而必求直諒多聞之人輔其德性而用  
力文章大槩指切事情而使人易曉篤孝家庭怡怡終歲  
父母忻忻妻子不戚戚閤然自修人不及知而常有獨送  
千載意晚到溪上與吾先子往復論難可講而可考不肖

壽亦寅緣互相往來出舍溪樓至今公芬香未未而佳湖  
舊里賤迹從恒兄聲鐸氏至矣慨念其平日未嘗不懂懂  
于懷今因公之孫奭柱奉讀公文益覺公之言磊落明白  
一切無含胡齟齬卷睚眦側媚之態余謂奭柱曰爲文而震  
懼張皇者只媚世取妍而已適足為心術之害子之先大  
父所言不爲無見依此梓行則是為孝子慈孫之責也歸  
與門內父兄相議爲之可也茲綴數語於後庶托名卷中  
為幸而重歎先生實學古者也奭柱用心不苟遇事敢前  
蓋多公之餘教云舊曆癸亥端陽前二日庚申尚山金壽

老書

嘗讀朱先生聚星亭贊極其揄揚而至其嗣守之難則又  
疑其父兄師友之間一種議論之有自常慨然于中日文  
君爽柱以其庭命奉其祖芳洲公遺文屬以丁乙且微一  
言于卷尾自惟拙陋有不敢承當而顧嘗獲私於公謬蒙  
獎甚仍覩公風儀潔淨論議平實絕少新奇尖巧相心竊  
躓之亦不可終辭謹受而卒業首以詩文雜體附以知舊  
叙述總略于卷末可以七分公矣噫九野閉塞人獸交戰  
士或以文章聲價眩耀當世自負不輕而夷攷其實其門  
生後承之不甘心覩面以沐新化者幾希至其甚者身且  
不得免焉乃公無驚世絕俗之奇而居之身者直潔淨耳

發諸口者惟平實耳而肖子佳孫能追慕於既沒之後斤斤以述先美闡先德之是事不少受變於外來苟非公心得身教之有素而人不及知者曷能然哉故此益信朱先生之真不我欺而家庭論議之果不可不講也明茲書所感于平素者如此以塞夤柱之責若其淵源之美文辭之寶晦峰河公所爲弁已竭盡無餘蘊今不須贅昭陽大淵獻流火節晉康河祐植謹跋

恭惟我芳洲公即族而師也護鉉自小少至老大受學趁側四十有餘年則雖是鴛脫無狀公之行仁誠功槩可記得矣其師而學之遯庵李公性齋許先生也友而輔之許

南黎郭俊宇曹復庵也學行之淵源輔仁之麗澤皆是當  
世之名賢收拾先蹟梓成世稿獎進後生學習古典繼述  
之誠教導之功亦為後人之模範其於造詣之深踐履之  
篤以若護鉉之蒙昧未可以形言也嗚乎公之去後斯道  
泯蔑新學熾張紛然一世士無依歸今護鉉固守本分使  
若子若孫勿失先世之傳規此莫非平日受學校公之餘  
力也公之子洪一蒐集遺稿與他家附錄整其編簡又營  
登梓而壽傳其誠孝可尚也以護鉉為族親不以不文為  
欠託以識後初以不敢為辭旋竊思之此不過記事而已  
則文不文不關故取次前日之間見以為鮮舊曆癸亥六

月晦日族弟護鉉謹識

壬戌十一月陽生日諸族聚霽光亭設小酌酒旣行有一  
人執爵而泣然曰吾家生事闌珊殆不堪其憂後生輩猶  
能守拙固窮無分外想樵牧之暇供灑掃講敦睦儻然有  
林下風是誰之賜嗚乎芳洲翁之棄後生一紀于茲矣端  
詳儒雅之儀日就冥漠無所放寓慕豹皮之遺尚塵巾行  
一任他蠹鼠之點污毀傷報佛無誠吾門之著也盍相勉  
旃圖所以壽其傳放是乎不肖其顛泚然遂使豚兒奩柱  
蒐輯散稿編次而付活字遠近族人樂爲之相役越明年  
秋七月始成詩文雜著摠若干卷於是不肖歛衽而起敬  
復于族人曰嗚乎先君子嘗師事性齋先生得聞爲學之

要奉而書諸紳畢生佩服一動一靜一語一默必志乎無  
妄真積之久造詣篤實為士友所重僉族氏志先君子志  
行先君子行先君子之思不棄其不肖指迷箴過無墜家  
聲則先君子將不死於百世而是役也尤有光於吾門此  
不肖之所期望於僉族氏而亦為之自勉云不肖孤洪一  
盥手謹書

癸亥流火節

霽光亭活印

# 敬山文集

## 卷一



古  
3648  
62-1082  
1